

Te Heheuraa Api

E ITE IA OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 12

-- DITEMA 1950 --

MAT. 37.

TE OHIPA e te PARAU NOARAA

O te Ekalesia to'u aratai, e e mea au a'e na'u te pohe i te faa-
rue i to'u nei faaroo. . . . Aita vau e mau nei i te hoê noa a'e to-
roa i roto i te Ekalesia, e teie te parau mau, ua patoi atu vau i te
mau toro'a atoa tei tuuhia mai i nia ia'u.

Ua itehia te reira na tuuraa parau e piti i roto i te rata hoê
ra. Te faaite maira raua i te faahaparaa feruriraa te farerei-
hia e taton i te tahi mau taime—te faaiteraa i te tahoêraa e
i te tahi pae te oreraa e tauturu i te ohipa na roto i ta tatou
mau raveraa ohipa.

I te tahi mau taime te hi'opoahia ra te tahi mau tane, e te
tahi mau vahine hoi, no te horoaraa'tu i te tahi ohipa, i roto
i te Ekalesia, e i te reira mau taime ua tupu mai te uiraa mai
teie te huru: *E riro anei oia ei hoho'a maitai mau i roto i te
haapaoraa i te mau ture o te Ekalesia?* Teie ia te pahonora
hape ore te tuuhia mai, *E*. Area ra, ia hi'opoa-maitai-hia te
mau buka e itehia e, e taata aufau tufaa noa iho oia i te tu-
faa ahuru, e taata haapao tufaa noa iho i te Parau Paari e e
mea *ta tufaa* noa iho to'na haapaoraa i te tahi mau haapii-
raa o te evenelia.

E Eaha mau ia te tahoëraa? No te aha tatou e faaite atu ai i to tatou tahoëraa a faaite noa mai ai tatou i to tatou tahoëraa ore-raa na roto i ta tatou mau raveraa ohipa? No te aha tatou e faahiti noa i te parau, e a ore râ, e tuu mai ai tatou i te parau faaite, a faaite noa mai ai ta tatou mau ohipa e mea e roa to tatou feruriraa?

E mea au a'e na'u te pohe i te faarue atu i to'u nei faaroo. Aita vau e mau nei i te hoê toro'a i roto i te Ekalesia! Ua patoi atu vdu i te mau toro'a tei tuihia mai i nia ia'u.

Te faahapa nei te tahi parau i te tahi. Eita roa te parau no te tahoëraa e te patoiraa i te ohipa e au te tahi i te tahi. O te rave-mau-raa i te ohipa te faatia i ta tatou mau parau. E mea pohe ihoa te faaroo ia ore te ohipa.

I to Iesu parahiraa i te ao nei ua fiu oia i te mau parau tahi tahoë a te tahi pae o te faaati mai ia'na ma te ohipa ore. E Eaha ra te huru o te teimaha o to'na mafatu a parau atu ai oia oia i te mau taata, i muri i to'na faaamuraa ia ratou, *E ere ra i te mea ia i te outou i te mau tapao ra, te imi nei ra outou i nia'u, no te mea i amu outou i te maa ra e paia a'era.*

Ua titau oia i te ohipa i ta'na mau pipi—te haapaoraa i ta'na mau faaueraa. E a etaeta ai oia i roto i ta'na mau faaueraa, ma te titau atu i te taata ia haapae atu i to ratou noutou e ia pee atu ia'na ra, inoia atura te tahi pae o ratou e te na ô maira te papairaa mo'a: *Faarue maira te hoê pae ra i phi pipi a'na i reira ra, aita maira i pee faahou ia'na.* Ua tuu pu te hoê taivaraa—no te mea ua hau atu to te taata noutou i te faahaehaaraa i to ratou hinaaro i to te Mana Hope.

A haere mai ai te hoê taata api faufaa rahi i te Faaora ma te faaite atu ia'na e, ua haapao oia i te mau faaueraa mai i to'na apiraa mai â, ua haere e atu oia a tuihia tu ai te taimata taraa hopea—noa tu i ta'na mau parau atoa. E ere anei te reira i te hoê huru taivaraa?

Ua f...
raa e t...
haapao...
na ta'u...
naaro...
parau...
e hinaa...
naaro n...

I teie...
ton ia'...
toa mai...
tamau...
to'na b...
ran no...
maa te...
hotu ra...

E ma...
tiaturi...
parahir...
rahi fai...
atoa i r...
e, ua h...
aita tu...
i te hor...
tatou or...

I te h...
lesia ei...
titau i to...

Eiaha o...
vare ia ve...
ra atoa va...
seli 24:28;

Ua faaaau te Fatu i te hereraa ia'na i te parau no te rave-
raa e te haapaoraa hoi. *Ia hinaaro mai te taata ia'u ra, e*
haapao ia oia i ta'u parau. E ua parau faahou oia: *Tei ia'*
na ta'u ra parau e ua haapao oia i taua parau ra, oia tei hi-
naaro mai ia'u. Teie ia te auraa o te reira, e ohipa. E ua
parau atoa oia, no tei parau noa ma te tavini ore: *O te ore*
e hinaaro mai ia'u ra, aore ia i haapao i ta'u parau—ia hi-
naaro mai te taata ia'u ra, e haapao ia oia i ta'u parau.

I teie mau tau hopea nei ua faaue mai te Fatu ia tavini ta-
tou ia'na (e e ohipa mau te auraa o te reira) ma to tatou a-
toa mafatu, to tatou mana'o e to tatou puai atoa. Ua haapii
tamau noa mai te Fatu ia riro tatou ei feia faahotu, i roto i
to'na basileia, eiaha ei feia faatau. Ua haapii mai oia i te pa-
rau no te tavini haapao ore; ua haapii atoa mai oia e, te a-
maa te ore e hotu mai e tapuhia ia; *O te ati mai ia'u, oia te*
hotu rahi.

E mau tavini ana'e tatou i roto i te fare o te Fatu ra. Te
tiaturi nei oia ia rave tatou i te ohipa no te tapea i to tatou
parahiraa i reira. Mai te mea ua riro te Ekalesia ei faufaa
rahi faito ore na tatou e mea tia ia ia tuu tatou, ia tatou pa-
toa i roto i ta'na mau ohipa. E mea tia ia parau atoa tatou
e, na hau atu te faufaa o te reira i to tatou oraraa nei, area
aita'tu ta tatou e ravea no te faaite atu i te reira, maori râ,
i te horoaraa i to tatou oraraa —i te mau mahana atoa o to
tatou oraraa— i te taviniraa ia'na.

I te hi'oraa ra te riro nei te mau raveraa ohipa a te Eka-
lesia ei Opuaraa no te Ora—e o te hoê ia raveraa ohipa tei
titau i te amui-hoê-raa i roto i to'na raveraa.

Eiaha oe ia riro ei ite haavare i to taata tupu ra, eiaha to vaha ia haa-
vare ia vetahi ê. Eiaha e parau e, Mai ta'na i rave mai ia'u nei, e na rei-
ra atoa vau ia'na, e tahoo atu vau i taua taata nei i ta'na ra ohipa. (Ma-
seli 24:28-29)

EDITORIAL

TE REIRA MAU TAU TAMATARAA.

Te vai nei, i roto i te oraraa o te taata nei, te mau aivi te mau faa. Ua riro te mau aivi ei vahi teitei, te taime e farerei ai tatou i te mau ohipa te haa maêê ia tatou e tei faate-papu-mai i te e'a i mua ia tatou. Te mau faa ua riro ia tatou ei mau taime area—te mau taime i vaiihohia'i tatou i feruri e ia tupu, e a ore râ, ia haamo'e e ia haere ê atu.

Ua haapao atoa te Atua i te mau taime mai te reira atoa no to'na maitai. No te mau feia e rave rahi ua vai atoa te tau tamataraa, te tau no te vairaa i nia i te faito, no te haapapuraa i te e'a e haerehia ra.

Ua farerei o Iosepha Semita i te reira mau huru. Ua mai te tau faaeearaa i ropu i te mau area a farereihia'i oia te mau ve'a no te ra'i mai, e i roto i te reira mau area ua mata-mau-hia oia.

I te matahiti 1820 to'na fariiraa i ta'na orama hanahana matamua. Aita oia i faaroo faahou i te hoê parau e tae noa i te matahiti 1823 a tae mai ai te melahi ra o Moroni i na ra. I roto i te reira area eaha ia te huru o to'na ferurira? Eaha te mau mea ta'na i rave? Ua tupu anei te tapitapi roto i to'na aau, no nia i te mau mea ta'na i ite e ta'na i faaroo? Ua itoitohia anei to'na faaroo i roto i te reira area a ore râ, ua vaiho anei oia ia haa mohimohihia te anaana ta'na orama e ia mo'e ê atu to'na faaroo?

I muri a'e i to'na farereiraahia e te melahi ra o Moroni pinepine atoa'tura te mau area faaeearaa i te taeraa mai. E ha tei tupu i roto i tera mau area tei tae i te ahuru mau avae i te maoro? Ua paruparuhia anei oia, e a ore râ, ua toitohia anei oia?

Te tahi atoa o to to tatou mau aratai o te Ekalesia, i teie nei e i te mau tau tahito hoi, ua farerei atoa ratou i te mau area faaeearaa mai ia Iosepha Semita ra. Mai ia Iosepha ra ua na reira atoa i te tahi pae ra—ua riro te mau area faaeearaa ei tau no te feruriraa, te paturaa e te faaetaetaraa i to ratou faaroo e te faarahiraa hoi o to ratou hinaaro ia tavini atu i te Atua e ia haapao atoa hoi i to'na mau hinaaro. Ua riro te mau area faaeearaa ei tau no te tuu-roa-raa, i roto i to ratou mau aau, te mau mea tei haapiihia e ratou ra; ua riro te reira mau area ei tau no te faaiteraa i te mau parau faaite na te faaroo, e na te parau faaite e te faaroo e faatupu mai i te ohipa, te mau ohipa rarahi. E i te tahi mau taime ua horoahia mai te taime no te faaineineraa no te tahi mau haamaitairaa te horoahia mai.

Ua tuuhia te ofai tihi no te mau ohipa rarahi atu. Ua riro te reira mau area faaeearaa ei tau faaineineraa a riro ai te mau taata rahi ei feia rarahi e no te faataa-ê-raa'tu i te ota.

Ua noaa atoa, ia tatou ta taitahi, te reira mau area faaeearaa. I te tahi mau taime ua ohie roa te reira mau area faaeearaa, oia hoi, mai te mau mahana i ropu i na Sabati. I roto i te reira mau mahana o te hebedoma te aha nei tatou? Te topa nei anei tatou i raro iho i te mau faaotiraa o te mahana Sabati ra, e a ore râ, te patura anei tatou i nia i te mau ûrû-raa tei noaa mai ia tatou i roto i ta tatou mau putuputuraa e na roto hoi i ta tatou mau pure e te tamata nei anei tatou ia rave i te mau mea tei haapiihia mai?

Ua baptizohia e ua horoahia, i te mau melo atoa o te Ekalesia, te Horoaraa o te Varua Maitai. E ua tupu te tahi mau oro'a i muri a'e i te mau area faaeearaa. Eaha ia te huru o to tatou oraraa i te reira mau taime? Ua horoahia, i te mau tamarii e te mau taata paari, te mau toro'a i roto i te autahu'araa; ua faarahi te tahi pae i to ratou maitiraahia e ua haapao hoi i te reira. Te tahi pae o ratou ra ua faatau ra-

tou i roto i te reira mau *area faaearea* i muri a'e i to ratou faatoro'araahia. *Eaha ia to outou tiaraa i teie nei?* Noa'tu ua i outou i te itoito i te taime outou i faatoro'ahia'i, teihea to outou tiaraa i teie nei? Ua riro anei te tau i pau ra ei tau faaitoitoraa e te te tupuraa, e a ore râ ua riro anei te reira ei tau *faa hau mururaa?*

Te rave nei tatou i te Oro'a a te Fatu, e a na reira'i tatou te faaapî ra ia tatou i ta tatou fafau, i te Mana Hope, ia tavini ia'na e ia haapao hoi i ta'na mau faaueraa. I roto i te area faaearea, mai te tahi raveraa oro'a i te tahi, ua haamana'o anei tatou i taua mau fafauraa ra e ua faatura anei tatou i te reira? E a ore râ te rave noa nei tatou i te oro'a mai te hoê peu i matauhia ra, ma te feruri ore, ma te haamana'o ore-oioi-noa i to'na auraa, ma te haamanu'a noa te taime e tae noa'tu i te tahi opereraa ma te haapao noa i to tatou tiamaraa e te haapao-ore-raa i ta tatou mau ohipa?

E tia i to tatou mau *area faaearea*, i te parauraa a te feia imi faufaa, *ia faatia*, e a ore râ, *ia ofati ia tatou*. Mai te mea e rave tatou ia ratou no te haamaitairaa i to tatou mau manuiaraa e tupu ia e e rahi hoi tatou. Ia ore tatou ia na reira e ite ia tatou, ia tatou iho i te otoheraa i muri. Ua riro te area faaearea, tae noa'tu mai te tahi Sabati i te tahi atu Sabati, ei tamataraa no tatou i te pae o to tatou faaroo e to tatou hoi faufaa.

E tia anei, ia tatou, ia farii i taua tamataraa ra?

Te Oraraa Nei, te Horoaraa Rahi A'e Ta te Atua I Horoa Mai.

U A feruri anei outou i nia i teie nei mau parau, *Noa'tu hea mai tatou? Eaha te tumu no to'u taeraa mai i onei? E haere hoi au i hea?* I to'u nei mana'oraa ua feruri a'ena outou i nia i teie na parau e toru. Ua papu rii ia'u e, ua noaa ia outou te iteraa e no hea mai tatou. I te matamua

no ô mai tatou no mua mai i te aro o te Atua, te Metua mure ore. Ua parahi tatou i reira no na matahiti e no na tau e rave rahi. Ua ora paha tatou i reira i roto i te oaoa mau; e nahea ihoa te oraraa o te hoê, i roto i te basileia o te Atua mai te hoê o ta'na mau tamarii? Ua ite tatou atoa e, e mea maitai, e mea here e te tauturu hoi te Atua. Te hoê tei mana'o e tei rave noa i te maitai. Aita te mea viivii, te mea ino e te mea hairiiri i faatiahia i roto i to'na basileia. No reira ua papu ia'u e, ua aifaito te mau mea o to tatou oraraa, i reira, i taua huru ra. No reira ia ta tatou uiraa: *Eaha te tumu vau i tac mai ai i onei?* Teie noa iho te ohipa te tia ia ravehia e tatou, maori râ ia feruri rii tatou i nia i te reira uiraa. Eaha te rahiraa o te ohipa e oti e eaha te rahiraa o te ite te noaa i te hoê varua, aita to'na e tino? E tia anei i te hoê varua ia faaapu e ia mataitai i ta'na mau faaapu i te tupuraa? E tia anei ia'na ia tamata e ia hamani i te machine, ia hamani i te mau raau no te mau ma'i e ia imi hoi i te mau ravea no te tautururaa i to'na taata tupu? E tia anei ia'na ia haapii i te raveraa i te hoê ohipa no'na iho? Aita roa! Eita roa e noaa ia'na te reira mana no te hamaniraa. No reira e tia ia tatou ia parau e, tei ionei au ia tia ia'u ia haapii e ia tupu, e a ore râ, e tia ia tatou ia parau, tei ionei tatou ia noaa to tatou oaoa. Oia mau. Te vai nei te fenua ia vai atoa te taata, e te vai nei te taata ia noaa to'na oaoa. Mai ta tatou e tai'o nei i roto i te Buka a Moromona, II Nephi 2:25: *Ua hi'a Adamu ia vai te mau taata, e te vai nei te mau taata ia noaa to ratou oaoa.*

I teie nei ua noaa ia tatou te ite e, tei ionei tatou ia noaa to tatou oaoa; nahea taua oaoa ra e noaa'i ia tatou e eaha hoi taua oaoa ra? E pahono tatou i te uiraa hopea na mua. Tei ionei tatou ia noaa te ora mure ore ia tatou, e taua ora mure ra o te oaoa mure ore ia. Nahea ra taua oaoa ra e noaa'i ia tatou? Na roto noa i te horoaraa. Te horoaraa i te mau

mea maitai atoa o to tatou oraraa. Te horoaraa i to tatou mau oraraa i te Fatu. Nahea ia e tia'i ia tatou ia horoa i to tatou ora i te Fatu? Na roto noa ia i te horoaraa'tu i to tatou mau oraraa no te taviniraa ia'na na roto i te taviniraa'tu i to tatou mau taata tupu no te mea ua na ô mai te Mesia i roto i te Mataio 25:40: *O outou i na reira i te hoê taeae iti haihai roa i roto i tou mau taeae nei, ua na reira mai ia outou ia'u.* E ere ra te reira i te taatoaraa, ia haapao ra tatou i te mau faaueraa atoa a to tatou Fatu. Ia haapoto noa, ia haapao mau tatou i teie na faaueraa e piti, *E hinaaro oe i to Atua ia Iehova ma to aau atoa, e ma to varua atoa, e ma to mana'o atoa, e ma to puai atoa. E aroha'tu oe i to taata-tupu mai to aroha ia oe iho na.*

Mai te mea e haapao tatou i teie na faaueraa e piti ra na haapao ia tatou i te taatoaraa, no te mea tei nia i teie na ture e piti te paturaahia te tahi mau ture. Eita roa e tia ia tatou ia here i to tatou Fatu a riri noa'i tatou i to tatou taata-tupu. Eita e tia ia here tatou i to tatou Fatu a haapao ore noa'i tatou i ta'na mau faaueraa e te faaroo ore hoi i ta'na mau faaararaa. Eita atoa e tia ia tatou ia here mau i to tatou taata tupu a imi noa'i tatou i te mau ravea atoa no te hama-ni-ino-raa ia'na ra. Ua papu roa ia'u, i roto i to'u mana'o, e mea tia ia vai ineine noa tatou no te tautururaa'tu i tei herehia e tatou.

Ua haapao anei outou i te oaoa te noaa mai ia outou na roto i te horoaraa? E mea hau a'e te oaoa ia horoa'tu i te farii mai; no reira ia hau roa'tu ta tatou mau horoaraa na hau atoa'tu ia to tatou oaoa mai te mea e rave tatou i tei faa-itehia i roto i te Buka Fafau 18:13-15: *Eaha te rahi o to'na oaoa ia tatarahapa te hoê varua. No reira ua maitihia outou no te haere e poro-haere i te tatarahapa i rotopu i teie nunaa; e mai te mea ia rave outou i te ohipa, i te mau mahana atoa i to outou oraraa, i te pororaa'tu i te tatarahapa i teie nei nu-*

naa e ua faaho'i mai outou i te hoê noa iho varua ia'u nei, eaha ia te faito o to outou oaoa, e oia atoa ra, i roto i te busileia o to'u Metua ra.

Eita e tia ia tatou, te Mau Feia Mo'a no te Mau Mahana Hopea Nei, ia rave i te reira ohipa i roto i te tiaraa orometua; noa'tura i te reira e tia ia tatou ia ora i te hoê oraraa te riro ei hoho'a no vetahi ê e ia a'o noa hoi i te evanelia i te mau taima atoa te tia ia tatou ia na reira. Mai te mea e ora tatou i te oraraa maitai, i te mau minuti, te mau hora te mau mahana, te mau hebedoma, te mau ava'e e i te mau matahiti o to tatou oraraa nei e tupu ia tatou i roto i te ite e te maitai. E ia na reira tatou e tae noa'tu e noaa ia tatou te maitai roa ra, te hanahana e te ora mure ore, oia hoi te oaoa mure ore. O ta tatou ia ohipa e ta tatou hoi titaauraa i te oraraa nei. A tiatonu tamau tatou i to tatou mau mata i nia i te fetia, te maramarama aratai o te evanelia e a tamau tatou i te raveraa i te ohipa nō to tatou iho faaoraraa.

E teie ta'u pure, ia noaa ia tatou atoa te ora mure ore, amene.

Papaihia e Davida Pope Orometua.

Bapetizohia No Te Ora Mure Ore

TE hinaaao nei au i te ui atu ia outou i teie na uiraa e maha, oia hoi: *Eaha te bapetizorau? Eaha te tau i horoa-matamua-hia mai ai te reira oro'a? No te aha tatou i haapao ai i te bapetizoraa? Eaha te noaa mai ia tatou na roto i te bapetizoraa?*

No roto mai te parau ra, *bapetizo*, i roto i te reo Baratane, i te reo Heleni, e teie hoi to'na auraa, e faahopuraa, e a ore râ, e utuhiraa.

tu i te hopea mai te mea e hinaaro ratou i te ora.

Ia baptizohia tatou te fafau ra ia tatou i te fafauraa e, e haapao tatou i te mau ture e te mau faaueraa atoa o te evangelia i te maororaa o to tatou oraraa nei.

Noa'tu e tia ia baptizohia tatou 1.000 taime ma te mana ore, e a ore râ ma te tatarahapa haavare eita roa e noaa ia tatou te ora mure ore. Area ra mai te mea ua baptizohia tatou, i te hoê noa iho taime, ma te mana mau e ua haapao tatou i te mau faaueraa a te Atua e farii mau ihoa ia tatou i te ora mure ore.

Ua haamaitai-mau-hia te feia tei baptizohia e tei faahae-haa mau ia ratou no te mea e baptizohia ratou i te auahi e te Varua Maitai e e farii hoi ratou i te faaoreraa i ta ratou mau hara. Ua fafau te Mesia i na mea e piti i tei baptizohia i roto i to'na ra i'oa, oia hoi te baptizoraa i te auahi e te Varua Maitai e te faaoreraa hoi i te mau hara.

Ia baptizohia te hoê taata te fafau ra oia i te fafauraa e, e haapao oia i te mau ture e te mau faaueraa a te Atua; e ia ofati ana'e oia i ta'na fafauraa e ia mairi hoi i roto i te rima o te diabolô ra, e ia rave hoi oia i te mau mea te faahapa i te Ekalesia e te mau ture a te Atua, ua hau atu ia to'na ino i to te matamua ra, hou to'na baptizoraahia.

O vai te taata i vî teie nei ao ia'na ra, maori râ o tei faaroo e, o Iesu te Tamaiti a te Atua? O tei haere mai ia ma te pape e te toto, o te Mesia o Iesu: eiaha ma te pape ana'e ra, ma te pape râ e te toto. E o te Varua tei faaite mai, e e paran mau hoi ta te Varua. Tootoru hoi e faaite i nia i te ra'i, o te Metua, o te Logo, e o te Varua Maitai; e o taua tootoru ra hoi hoê â ia. E toru hoi e faaite i te ao nei, o te Varua, o te pape, e o te toto; e o taua toru nei hoi, te au nei ia i te parau hoê. (1 Ioane 5;5-8)

Hoê hoi Fatu, hoê faaroo, hoê baptizo. (Ephesia 4:5)

I teie nei ua noaa ia tatou te iteraa e, te ravea noa iho e vai nei ia noaa te ora o teie ia: ia tanuhia i raro i te pape, ia baptizohia i te i'oa o te Metua, e no te Tamaiti, e no te

Te pure nei au ia tia ia tatou ia haapao i te mau faaueraa
atoa a te Atua, amene.

➡➡➡➡➡➡➡➡➡

*Eiaha e ru vave i te faatupu i te mârô ra: nahea hoi oe ia tae i te hopea
ru, ia faaahaamahia oe e to taata-tupu ra? (Maseli 25:8)*

Ua Faaara Vau Ia Outou.

U A parau te Fatu: *Ua faaara vau ia outou e ua faaara hoi au ia outou i mutaa i hora.* E ua faaara faahou mai oia ia tatou, i teie nei mau mahana, na roto i ta'na mau tavini. E riro paha e parau noa â te tahi pae o tatou, te vai ra te mahana, ananahi matou e tatarahapa'i e e haapao maitai ai, area râ ua ite tatou atoa e, ia tatou ta taitahira, ia tae te taime aita'tura ia e ananahi faahou no tatou.

E ua parau atoa mai te Fatu e, o teie te mahana tia mau no te tatarahapa.

A haamana'o na outou, ua faaue te Fatu i ta'na Perophe-
ta ra ia Noa ia haere e faaara i te mau taata e ia parau atu
ia ratou no te pohe e fatata maira. Area aita te mau taata i
mana'o e tupu ihoa te diluvi no te mea te mana'o noa ra ra-
tou te vai ra te ananahi no te mea aita te diluvi i tae mai i te
reira mahana, e i te mahana i muri iho. No reira ua tahitôhi-
tô maira ratou i te peropheta e haere ana'e atura i to ratou
haerea.

Area râ ua tae mai te diluvi e ua hope ana'e ratou i te po-
he no te mea aita ratou i hinaaro i te faaroo i te mau parau
a te mau peropheta a te Fatu.

Te haamana'o nei au i te aamu, ta'u i faaroo, no te hoê
taata tei pohe ta'na tamaiti matahiapo. E ere te metua tane
i te taata haapao maitai, te parau mau ra, aita roa oia i ha-
pao i te rahiraa o te mau faaueraa a te Atua. No te mea ua
haere atu te tamaiti i te vahi roa ra haere atura te hoê taata
maitai e farerei i te metua tane e te fetii hoi.

E taata haapao-ore-roa taua tamaiti ra i te mau vahi atoa.
Aita oia i faatura i to'na na metua, i to'na hau fenua e i to-
na hoi Atua.

A aparau ai taua taata maitai ra i te metua tane, e i te fe-
tii atoa hoi, na ô maira te metua tane, *Te mana'o nei au e,*

e taimē tano mau teie no te pureraa.

E riro paha te mana'o nei tatou e, o te taimē e roohia'i tatou i te ati te taimē maitai no te pure. E tano te maitai o te pure i nia i te huru o te pure o te faatano-atoa-hia i nia i te huru oraraa tei haapaohia e tatou e te huru hoi o to tatou haereraa i mua i nia i te fenua nei.

Ia tae mai te tau no te titaurationa, no tatou iho e no to tatou atoa mau fetii, mai te mea aita tatou i tatarahapa e aita hoi irave i te mau mea te tia ia ravehia, ua maoro roa ia te mau pure.

Te poto nei te taimē e aita tatou i ite e maoro anei ta tatou tatarahaparaa e te raveraa hoi i te mau mea te au ia ravehia e tatou. Eita e tia ia patu oioi noa i to tatou iho huru, to tatou mau fare e ia tupu-oioi-atoa to tatou huaai tamarii, te haapao i ta tatou mau parau no to ratou tiaturi-papu-raa ia tatou e te haapao hoi i te mau parau a te mau tavini o te Fatu ra.

John H. Taylor.

TA TE ATUA E TITAU MAI NEI.

TE tai'o nei tatou i roto i te mau parau mo'a: *E mata na ra outou i te imi i te basileia o te Atua, e te parau-tia na'na; e amuri-atoa-hia mai taua mau mea ra ia outou.*

A tamata na tatou i te feruri maitai i nia i taua irava ra ia ite tatou e, eaha ta te Fatu e titau nei ia tatou. Te mana'o nei au, mai te mea e haapao rii tatou i te reira, e noaa mai te ite e, e rave rahi ta'na titaurationa ia tatou.

Te vai nei te tahi mau feia te tuu i te afa noa iho o to ratou mau mafatu i roto i te ohipa. Te vai nei te tahi mau tau-

re'are'a te rave rii i te ohipa, i roto i te ohipa a te Feia Api, mai te mea e taime to ratou. Teie ta ratou parau, ia rave i-hoa hoi au i te ohipa no te faaamuraa ia'u; e mea hora ta'u e rave nei i te mahana, e ia tae ana'e i te ahiahi, mai te mea aita vau i rohirohi e te vai ra te mau hautiraa tei auhia e au ra, e rave ia vau i te mau tufaa ohipa tei faataahia na'u ra, mai te mea e taime to'u.

E ere ia te reira i te varu tia no te reira ohipa e eita atoa to tatou Metua i te ao e mauruuru i te reira, no te mea ua rahi ta'na titauroa ia tatou. E ere ia te reira i te titauroa i te basileia o te Atua i te matamua, o te tuuraa ra i te reira i te piti; e faahaparaa ia te reira i te faaueraa a te Fatu.

Teie ra te mea tia ia ravehia e tatou i te haamataraa, oia hoi, te raveraa i te ohipa ta te Fatu i titau mai ia tatou. Teie to'u mana'o, ia horoahia mai te hoê ohipa, e rave faaoti roa vau i te reira noa'tu aita te tahi atu mau ohipa e oti. E rave au i te reira, mai te poipoi e tae noa'tu i te maororaa pô ia rohirohi roa to'u tino; e ia oti ta'u raveraa i te ohipa ta te Fatu i titau mai ia'u, mai te mea e taime to'u e toe ra, e rave ia vau i te ohipa no te faaamuraa ia'u, e mai te mea aita to'u e taime ia pohe noa'tu ia vau i te poia.

Aita râ vau e mana'o nei e tia i te mau rave ohipa i Ziona, tei haapao i taua huru raveraa ra, ia pohe i te poia. Te ite nei tatou e aita roa te mau tane e te mau vahine, tei tuu i te taatoaraa o to ratou oraraa no te raveraa i ta ratou mau ohipa, i riro ei feia taparu e ei feia veve.

Teie te fafau tei tuuhia mai: *E mata na ra outou i te imi i te basileia o te Atua, e te parau-tia na'na; e amui-atoa-hia mai taua mau mea ra ia outou.* E tiaturiraa anei to outou i te reira? Ua faaroo anei outou i te reira? Mai te mea aita outou e faaroo nei e e tiaturi nei i te reira, aita atoa ia outou e tiaturi nei i te mau fafau a te Atua.

Rulon S. Wells.